


Program Book Review JAS



KEMENTERIAN SUMBER ASLI, ALAM SEKITAR
DAN PERUBAHAN IKLIM
JABATAN ALAM SEKITAR



Politik Untuk Pemula adalah sebuah buku yang ditulis oleh Ayman Rashdan Wong yang membincangkan mengenai politik dunia. Buku ini mengandungi 26 bab yang merangkumi pelbagai topik seperti tujuan manusia berpolitik, kewujudan negara, jenis-jenis kerajaan, peranan rakyat dan ahli bangsawan negara serta isu-isu sosial semasa. Buku ini juga menerangkan konsep-konsep asas politik berdasarkan terma penting dalam politik, ideologi, sistem, mekanisme dan perkembangan politik zaman dahulu sehingga kini.

Penggunaan laras bahasa yang santai menjadikan buku ini mudah untuk difahami. Penulis juga mengambil pendekatan yang menarik dalam menyampaikan maklumat dengan menceritakan sejarah kerajaan terdahulu, kewujudan istilah-istilah asas ideologi politik dan membantu pembaca dalam memahami arus politik yang berubah-ubah seiring zaman. Ini menjadikan buku ini sesuai untuk pembaca yang meminati sejarah politik, khususnya yang ingin mengembangkan makna frasa- frasa dunia politik.

Selain itu, buku ini memberikan penerangan yang lengkap tentang sistem politik Malaysia dan negara-negara lain. Penulis memberikan penerangan secara terperinci mengenai struktur kerajaan, perlembagaan dan undang-undang. Pembaca juga dapat mempelajari tentang peranan rakyat dalam politik sesebuah negara dan bagaimana ia berfungsi dalam sistem pengurusan negara tersebut.

Kesimpulannya, Politik Untuk Pemula adalah sebuah buku yang amat baik untuk pembaca yang ingin mempelajari tentang politik dunia, termasuk politik negara Malaysia. Ia menyampaikan maklumat yang penting dan bermanfaat tentang sistem politik dengan cara yang mudah difahami. Oleh itu, saya sangat mengesyorkan buku ini kepada pembaca yang baru ingin mempelajari politik secara asas sebelum mendalami bahan bacaan politik yang lain.

-JAS Selangor-